

quo. uel. hinc. multum. que

Ulconia proba foemina eruditissima ad adel
phu tenatore coniuge dulcissimu ex uirgillii opibus
cetones ueteris ac noui testameti foeliciter icipiut

scripsit. pro. uinc
in. me. uinc
pro. & uinc
uinc. hinc

O Pater o hominum reruq; aterna potestas.
Da facile cursu: atq; animis illabere nostris.

Tuq; ades: inceptumq; una decurre laborem

Nate patris sumi uigor & celestis origo:

Quem primi colimus: meritosq; nouamus honores

Iam noua progenies: omnis quam credidit etas.

Munera uestra cano. satis est potuisse uideri.

Nam memini ueteru uoluens monumeta uiroru:

Qua sint: que fuerint: qua mox uentura trahatur:

Omnia: ut ispe tener mundi concreuerit orbis.

Foelix qui potuit rerum cognoscere causas.

Vnde hominuq; pecuduq; genus uitaeq; uolatum.

Et qua marmoreo fert monstra sub aequore potul

Et liquidi simul ignis: ut his exordia primis

Terrarumq; ignisq; animae marisq; fuissent.

Haud aliter prima crescentis origine mundi

Illuxisse dies: aliumue habuisse tenorem

Crederim: maior rerum mihi nascitur ordo:

Si qua fidem tanto est operi latura uetustas.

Namq; fatebor enim: lauium spectacula rerum:

Semper equos atq; arma uirum pugnasc; caneba.

Et studio in castum uolui exercere labores.

Omnia tentanti potior sententia uisa est:

Pandere res alta terra & caligine mersas.

Inque dies aliquid iam dudum iuadere magnum
Mens agitat mihi: nec placida contenta quiete:
Ore fauete omnes. lætaſque aduertite mentes.
Matres atque uiri pueri innuptæque puellæ.

Opera sex dierum.

P Rincipio coelum ac terras camposque liquètes
Lucentemque globum lunæ solisque labores.
Ipſe pater ſtatuit uos o clariffima mundi
Lumina labentem coelo quæ ducitis annum.
Nam neq; erāt aſtrorū ignes: nec lucidus ethra:
Sed nox atra polum bigis ſubuecta tenebat:
Et chaos in præceps tantum tēnebat ad umbras:
Quantus ad ethereum coeli ſuſpectus olympum.
Tunc pater o omnipotens rerū cui ſūma potestas:
Aera dimouit tenebroſum: & diſpulit umbras:
Et medium luci atque umbris iam diuidit orbē.
Sydera cuncta notat tacito labentia coelo:
Intentos uoluens oculos qua parte calores
Auſtrinos tulerit: quæ terga obuernerit axi:
Obliquus qua ſe ſignorum uerteret ordo.
Poſtquam cuncta uidet coelo conſtare ſereno
Omnipotens: ſtellis numeros & nomina fecit.
Temporibusque parem diuerſis quattuor ānum:
Eſtuſq; & pluuias: & agentes frigora uentos.
Atque hæc ut certis poſſimus diſcere ſignis:
Vere tument terræ: & genitalia ſemina poſcunt.
At medio toſtas æſtu terit arca fruges.
Et uarios ponit foetus autumnus. & atra

Venit hyems. teritur lycionia bacca trapetis.
 atque in se sua per vestigia uoluitur annus.
 Tempore iam ex illo foecundis imbribus æther
 Magnus alit magno cūmixtus corpore foetus.

Dies primus.

Et iam prima nouo spargebat lumine terras.
 Ducebatque diem stellis aurora fugatis:
 Tum durare solum & discludere nereia ponto
 Incipit: & rerum paulatim sumere formas.
 Et uariæ pelagi facies imania cete
 Aequora uerrebant caudis: estumq; secabant:
 Necnon & uasti circum gens humida ponti
 Iam sole infuso iam rebus luce receptis
 Exultans rorem late dispergit amarum.

Dies secundus.

Postera iamque dies primo surgebat eoo:
 Fundit humus flores: ac frondes explicat omnes.
 Sanguineis inculta rubent auaria baccis:
 Non rastris hominum non ulli obnoxia cura.

Dies tertius.

Tertia lux gelidam coelo dimouerat umbram:
 Aua tunc resonant aibus inculta canoris.
 Et iquidas presso corui dant gutture uoces.
 Nec gemere æria cessauit turtur ab ulmo.

Dies quartus.

Quarto terra die uariarum monstra ferarum
 Omnigenue pecus nullo custode per herbam
 Educit siluis subito mirabile uisu;

Tum demum mouet arina leo. tū pessima tigris.
Squamosusque draco: ac fulua ceruice leena
Seuire: ac formæ magnorum ululare luporum.
Cætera pascuntur uirides armenta per herbas.
Nec gregibus liquidi fontes: nec gramina desūt

Dies quintus & sextus

Iamque dies alterque dies processit: & omne
Hoc uirtutis opus diuinæ mentis & haustus
Prospiciens genitor perfectis ordine rebus
Expleri mentem nequit: ardescitque tuendo.
Terralque tractusque maris coelumq; profūdum
Alituum pecudumque genus: secumque uolutat
Qui mare qui terras omni ditioe tenerent:
Nēu segnes iaceant.

De formatione primi hominis.

Talia uersanti subito sententia sedit:
Foelicemque trahit limum: fingitque premento
Pingue solum primis extemplo a mensibus anni
Iamque improuiso tantæ pietatis imago
Procedit noua forma uiri: pulcherrima rerum:
Os ^{h. abes} humerosque deo similis: cui metem animūq;
Maior agit deus: atq; opera ad maiora remittit.

De formatione eue.

Quæritur huic alius: nec quisquā ex agmine tanto
Audet adire uirum: sociusque in regna uocari.
Haud ^{hinc} mora cōtinuo placidā p membra quietem
Dat iuueni: & dulci declinat lumina somno.
Atque illi in medio spatio iam noctis opacæ

Omnipotens genitor costas & uiscera nudat.
 Harum unam iuueni lateris compagibus arctis
Eripuit: subitoq; oriturq; mirabile donum:
 Argumentum ingens: claraq; in luce refulsit
 Insigni facie & pulcro pectore uirgo.
 Iam matura thoro. iam plenis nubilis annis.
Olli somnum ingens rupit pavor. ossaq; & artus
 Coniugiumq; uocat: & stupefactus nomina pressit.
Excepitq; manu: dextramq; amplexus adhaesit.

Deus homini benedixit

His demum exactis torquet qui sydera mundi
 Infit. eo dicente premit placida æquora pötus.
Et tremefacta solo tellus silet. arduus ether.
 Viuite foelices: interq; uirentia cūta
 Fortunatorū nemorum: sedesq; beatas.

Hac domus. hac patria è. reges en certa labor
 Hiis ego neq; metas rerum: nec tempora pono.
 Imperium sine fine dedi: multosq; per annos
 Non rastros patietur humus. nec uinea falcem.
 At genus immortale manet: nec tarda senectus
 Debilitat uires animi: mutatq; uigorem.

Ligni fructus prohibetur

Vos contra quæ dicam animis aduertite uestris.
 In medio ramos annosaq; brachia tendens
 Est in conspectu ramis foelicibus arbos:
 Quam neq; fas igni cuiquã nec sternere ferro:
 Relligione sacra nunquã cõcessa moueri.
Hac quicunq; sacros decerpserit arbore foetus:

Morte luet merita: nec me sententia uerti
Nec tibi tam prudens quisquā persuadeat auctor
Cōmaculare manus. liceat te uoce moneri
Foeminea nec te ullius uolentia uincat:
Si te digna magnet diuini gloria ruris.
Postquam cuncta pater coeli cui sydera parent
Composuit: legesq; dedit: camposq; nitentes
Desuper ostentat: tantarum gloria rerum.

Descriptio paradisi.

Ecce autem primi sub cardine solis & ortus
Deuenere locos: ubi mollis amaracus illos
Floribus & dulci aspirans complectitur umbra.
Hic uer purpureum: atq; alienis mensibus estas:
Hic ligdi fontes: hic coeli tempore certo
Dulcia mella premunt: hic candida populus antro
Imminet: & lentæ texunt umbracula uites.
Inuitant croceis halantes floribus orti
Inter odoratum lauri nemus: ipsaq; tellus
Omnia liberius nullo poscente ferebat.
Fortunati ambo si mens non leua fuisset
Coniugis infandæ. docuit post exitus ingens.

Tentatio per serpentem..

Iamq; dies infanda aderat: per florea rura
Ecce inimicus atrox imensis orbibus anguis
Septem ingens gyros septena uolumina torquens:
Nec uisu facilis nec dictu effabilis ulli:
Obliqua insidians ramo frondente pependit
Vipeream inspirans animam: cui tristitia bella.

Træq; insidiæq; & crimina noxia cordi:
 Vult & ipse pater: tot sese uertit in ora:
 Arreptisq; horret squamis: & nequid in ausum
 Aut intentatum sceleris ue doli ue relinquat:
 Sic prior aggreditur dictis: atq; obtulit ultro.
 Dic ait o uirgo lucis habitamus opacis:
 Riparūq; thoros: & prata recentia riuus
 Incolimus: quæ tanta animis ignauia uenit:
 Strata iacēt passim sua quæq; sub arbore poma.
 Pocula sunt. fontes liquidi. coelestia dona
 Atrectare nefas. id rebus defuit unum.
 Quis prohibet causas penitus tentare letentes:
 Vana superstitio. rerum pars altera adempta est.
 Auctor ego audendi sacrata resolvere iura.
 Tu coniunx. tibi fas animum mollire precando.
 Dux ego uester ero. tua si mihi certa uoluntas:
 Extruimusq; thoros: dapibusq; epulamur opimis

Eua seducitur.

Sic ait & dicto citius quod lege tenetur:
 Subiiciunt epulis olim uenerabile lignum:
 Instituuntq; dapes: contactuq; omnia fedant.
 Præcipue infelix pesti deuota futuræ
 Causa mali tanti sūmo tenus attigit ore:
 Miraturq; nouas frondes: & nō sua poma
 Maius adorata nefas maioremq; orsa furorem
 Heu misero coniunx aliena ex arbore germen
 Obiicit: atq; animum subita dulcedine mouit.
 Nudos uident se & faciunt sibi perizomata

Continuo noua lux oculis effulsit. at illi
Terrentur uisu subito. nec plura morati
Corpora sub ramis obiectu frondis obumbrat
Confertum tegmen: nec spes opis uilla dabatur.
At non hæc nullis hominum rerumq; rector
Prospiciens oculis cædes & facta tyranni.
Præsensit: notumq; furens quid foemina possit.
Continuo inuadit: procul o procul este prophani
Conclamat coelum ac terras qui numine firmat.

Adam se abscondit.

Atq; illi longe gradientem ac dira frementem
Ut uidere metu uersi retroq; ruentes
Disfugiunt: siluasq; & sicubi concaua furtim
Saxa petunt. piget icoepti. lucisq; nec auras.
Despiciunt. tædet coeli conuexa tueri.
Nec longū in medio tempus: cū creber ad aures
Visus adesse pedum sonitus: genitorq; per auras.
Hunc ubi uix moestum multa conspexit in umbra
Talibus alloquitur dictis: atq; increpat utro.

Adam increpatur a domino.

Infoelix quæ tanta animum dementia cepit:
Quis furor iste nouus: quo nunc quo tenditis inot
Regnorū immemores: quæ mentē infania mutat:
Dicite quæ lucis miseris tam dira cupido:
Maturate fugam. totoq; absistite luco.
Nec reuocare gradum si quādo aduersa uocarint
Est licitum: flāmis ambit torrentibus amnis
Per medium stridens torquetq; sonantia saxa:

Attoliturque globos flammarum: & sidera lambit.

Excusatio adam.

Ille sub hac tua me genitor tua tristis imago
 His posuere locis. merui. nec deprecor inquit
 Omnipotens: sonitumque pedum uocemque tremisco
 Conscius audacis facti moniti que sinistri.
 Proemina fert succos tristes tardumque saporem.
 Nulla dolos dirumque nefas in pectore uersans.
 Infonem infando iudicio moritura puella
 Dum furit incautum crudeli morte peremit.
 Suasit enim scis ipse neque e te fallere cuiquam.
 Ut uidi. ut perii. ut me malus abstulit error.
 Contigimusque manu quod non sua seminat arbor.

Maledictio serpentis.

Tunc pater omnipotens folio sic infit ab alto.
 Accipite ergo animis: atque hac mea figite dicta.
 Tuque prior scelere ante alios immanior omnis:
 Quem neque longa dies pietas nec mitigat ulla
 Hortator scelerum coluber mala gramina pastus
 Desidia latamque trahens inglorius aluui:
 Cede locis: nullis hominum cogentibus ipse
 Tenuis ubi argilla & dumosius calculus aruis.

Maledictio adam.

At tibi pro scelere exclamat pro talibus ausis:
 Omne æuum ferro teritur. primusque per artem
 Heu miserande puer terram insectabere rastris.
 Et sonitu terrebis aues: horrebit in aruis
 Carduus: & spinis surgit paliurus acutis.

Lappe. tribuliq; & fallax herba ueneni.
At si triticeam in messem robustaq; farra
Exercebis humum: frustra spectabis aceruum.
Cōcussa q; famem in siluis solabere quercu.
Insuper his subeunt morbi tristisq; senectus.
Et labor & diræ rapit in clamētia mortis.
Hæc tibi semper erunt.

Maledictio eue.

Tuq; o sæuissima coniunx
Nō ignara mali caput horum & causa malorum
Magna lues ^{perdita} comissa tibi: heu perdita nescis:
Nec quæ circumstant te deinde pericula cernis.
Nūc morere ut merita es: tota q; mēte petisti.
Nec mea iam mutata loco sententia cædit.

Expulsio eorū de paradiso

At iuuenem primū sæuus circūstetit horror
Diriguere oculi: nec se celare tenebris
Amplius: aut notas audire & reddere uoces.
Haud mora festinant iussi: rapidisq; feruntur
Passibus: & pariter gressi per opaca uiarum
Corripiunt spaciū medium: limēq; relinquunt
Flentes: & curis paribus uestigia figunt.
Tum uictum in siluis bacas lapidosaq; corna
Dant rami: & uulsis pascunt radicibus herba.

Conceptio caym.

Interea magnum sol circūuoluitur annum.
Matri longa decem tulerant fastidia menses:
Vnde homines nati durum genus: inde per artem

Aut herba campo apparent: aut arbore frondes.
 Inq; novos soles audent se germine tuto
 Credere: & lentis uuam dimittere ramis
 Instituunt: udoq; docent inolescere libro.

Abel a fratre occiditur.

Tunc gemini fratres adolent dum altaria cædis:
 Alter in alterius prælato inuidit honore:
 Morresco referens consanguinitate propinquum
 Excipit incautum: patriaq; obruncat ad aras
 Sanguine fedantem quos ipse sacrauerat ignes.
 Tum genitor uirus serpentibus addidit atris.
 Et passim riuis currentia uina repressit.
 Mellaq; decussit foliis. ignemq; remouit.
 prædariq; lupos iussit. potumq; moueri.
 Mox & frumentis labor additus: ut mala culmos
 Effet rubigo: & uictum seges agra negaret.
 Tum alnos primum fluuii sensere cauatas.
 Tum laqueis captare feras & fallere uisco
 Inuentum: & duris urgens in rebus egestas
 Mouit agros curis acuens mortalia corda
 Deterior donec paulatim ac mollior ætas
 Ferrea progenies dirum caput extulit aruis.
 Iusticia excedens terris uestigia fecit:
 Et belli rabies: & amor successit habendi.
 Nec longum in medio tempus: furor iraq; mentē
 Præcipitant. gaudent perfusi sanguine fratrum.
 Condit opes alius: defossoq; incubat auro.
 Nec doluit miserans inopem: dextramq; tetendit

Diluuium.

Tum pater omnipotens grauiter cōmotus ab alto
Ethere se mittit: tellurem efundit in undas
Diluuium miscens: coelumq; in tartara soluit:
Sternit agros: sternit sata lata: boumq; labores
Diluit: inplētur fossæ: & caua flumina crescūt:
Et genus omne neci pecudum dedit ille ferarū.

Noe seruatur.

Tum pietate grauē ac meritis mirabile dictu
Qui fuit in terris & seruantissimus æqui
Eripuit leto tantis surgentibus undis
Vt genus unde nouæ stirpis reuocaret haberet.

De pharaone & pplō p̄ desertū eūte
Diluuio ex illo patribus dat iura uocatis
Omnipotens magnis agitans sub legibus æuum.
Quid memorē infādas cades: quid facta tyrani:
Nesciaq; humanis precibus mansuescere corda:
Egyptum uiresq; orientis & ultima bella
Magnanimosq; duces totasq; ex ordine gentes.
Quo cursu d'ēserta petāt & tribus & gens
Magna uirum meriti tanti nō immemor unquam
Quiq; sacerdotes casti dum altaria iuxta:
Quiq; pii uates pro libertate ruebant:
Qui bello exciti reges: & quæ littore rubro
Complerint campos acies: quibus arserit armis
Rex genus egregium magno inflāmāte furore
Agmen ^{colluunt}agens e quitum & florentes ære cæteruas
Cætera facta patrū pugnataq; ex ordine bella

Praetereo: atq; aliis post me memoranda relinquo

Natalis domini.

Nunc ad te & tua magne patris consulta reuertor
Maius opus moueo: uatum praedicta priorum
Aggredior quamuis angusti terminus aui
Accipiat: tenranda uia est: qua me quoq; possim:
Tollere humo: & fama nomen tor ferre p annos:
Quot tua progenies coelo descendit ab alro.
Attulit & nobis aliquando oprantibus aras
Auxilium aduentumq; dei: quo foemina primū
Virginis os habitumque gerens mirabile dictū
Nec generis nostri puerum nec sanguinis edit.
Seraque terrifici cecinerunt omnia uates
Aduentare uirum populis terrisque superbum
Semine ab ethereo: qui uiribus occupet orbem:
Imperium oceano: famam qui terminet astris.
Iamq; aderat promissa dies quo tempore primum
Extulit os sacrum diuinae stirpis origo
Missus in imperium: uenitque in corpore uirtus.

De stella & magis.

Naud mora continuo coeli in regione serena
Stella facem ducens multa cum luce refulsit.
Agnouere deum proceres: cunctique repente
Muneribus cumulant: & sanctum sidus adorant.
Tum uero manifesta fides: clarumque paterna
Nomen erat uirtutis: & ipsi agnoscere uultus
Flagrant: & quadam diuini signa decoris.

De turbatione herodis.

Protinus ad regem magno clamore ruentum
Fama uolat: magnisque acuit clamoribus iras:
Incenditque animum: matrisque allabitur aures.
Illa dolos dirumque nefas haud nescia rerum
Præsensit: motusque excepit prima futuros.
Præscia uenturi furtim mandarat alendum:
Dum curæ ambiguæ dum mens exestuat æstu.

De morte infantium.
ET rex sollicitus stirpem & gen9 omne futurum
Præcipitare iubet: subiectisque urere flammis
Multa mouens: mittitq; uiros qui certa reportet:
Haud secus ac iussi faciunt: rapidisque feruntur
Passibus: & magnis urbem terroribus implent.
Continuo auditæ uoces. uagitus & ingens.
Infantumq; animæ flentes. ante ora parentum
Corpora natorum sternuntur limine primo.

De fuga domini in egyptum.
ET mater gemitu ne quicquam exterrita tanto
Ipsa sinu præse portans turbante tumultu
Infantem fugiens plena ad præsepia reddit.
Hic natum angusti subter fastigia tecti
Nutribat teneris immulgens ubera labris:
Hic tibi prima puer fundunt cunabula flores.
Mixtaque ridenti passim cum baccare tellus
Molli paulatim colocasia fundit acantho.

De reditu eius in iudeâ defuncto herode.
ET iam finis erat perfecto temporis orbe:
Vt primum cessit furor & rabida ora quietunt:

Ante annos animum gestans cælestis origo
 Per medias urbes graditur sociosq; propinquos.
 Illum omnis tectis agrisque effusa iuuentus
 Anttonitis inhians animis prospectat euntem:
 Turbaque miratur matrum: quis spiritus illi:
 Quis uultus: uocisque sonus: uel gressus eunti.

Testimonium iohannis de cristo.

Continuo uates nãque is certissimus auctor
 Ut procul a gelido secretum flumine uidit:
 Tempus ait deus ecce deus: cui maxima rerum
 Verborumque fides. tu nunc eris alter ab illo
 Fortunate puer: coeli cui sidera parent.
 Sic equidem ducebam animo: rebarq; futurum.
 Expectate uenis: spes & solatia nostri.

De baptismo cristi.

Hæc ubi dicta dedit: fluuio mersare salubri
 Accepit uenientem: ac mollibus extulit undis.

Exultatq; uada.

Apparicio spūs scī.

Et subito commata columba
 Deuolat: & supra caput astitit: unde repente
 Radit iter liquidum: celeres neq; commouet alas
 Huc omnis turba ad ripas effusa ruebat
 Certatim largos humeris infundere rores

Vox patris de cristo.

Omn genitor natum dictis compellat amicis.
 Nate meæ uires mea magna potentia solus
 Et predulce decus magno rediture parenti:
 A te principium: tibi desinit accipe testor

O mea progenies qua sol utrumq; recurrens.
Aspicit oceanum perfecto latus honore
Omnia sub pedibus uerti regi q; uidebis.
Tu regere imperio populos matresq; uirosq;
Ignarosq; uia; mecum miseratus inertes
Aggrede & uotis iam nunc assuesce uocari.
Dixerat ille patris magni parere parabat.
Imperio insistens operi regnisq; futuris.
Heu pietas heu prisca fides. quas dicere gētes
Incipiam: si parua licet componere magnis:
Nec mihi iā patriam antiquā spes ulla uidēdi.
Nec spes libertatis erat nec cura salutis.
Hic mihi responsum primus dedit ille petenti.
Concreatam exemit labem: purumq; reliquit
Ethereū sensum: meq; in mea regna remisit.
Illum ego per flāmas: agerem si syrctibus exul:
Per uarios casus per mille sequentia tela:
Quo res cumq; cadent: unum pro munere tanto
Exequerer: strueremq; suis altaria donis.
Namq; erit ille mihi semper deus illius aram
Cuncti obtestamur: ueniamq; oramus ab ipso.
Huius in aduentu tantarum gloria laudum
Ipsi laticia uoces ad sidera iactant
Intonsi montes: respondent omnia ualles.

Tentatio christi.

In tempore nō alio magnū & uenerabile nomē
Serpentis furiale malum memnisse necesse est.
Ausus quin etiam fama est obscurior annis.

Conuolare uirum: & ueniendi poscere causas.

Hunc ubi tendentem aduersū per gramina uidit:
Substitit: īfremuitq; ferox: dominumq; potentem
Saucius at serpens affatur uoce superba.

Vera ne te facies: uerus mihi nuncius affers:

Qui genus: ūde domo qui nostra ad limina tendis
Fare age qd uenias: nam te dare iura loquūtur

Aut quis. te iuuenum confidentissime nostras
Iussit adire domos paciꝫ imponere morem.

Non equidem in uideo miror magis. accipe porro

Quid dubitem & quæ nūc animo sententia surgat

Statuit super pinaculum templi.

Est domus alta: uoca zephiros: & labere penis

Ardua tēcta petens ausus te credere coelo.

Si modo quem memoras pater ē cui sidera parēt.

Vox christi ad tentatorem.

Olli subridens sedato pectore fatur

Haut uatum ignarus uenturiq; inscius æui.

Dissimulare etiam sperasti perfide serpens:

Ne dubites: nam uera uides. opta ardua penis

Astra sequi: clausumq; caua te cōdere terra:

Quo periture ruis: maioraq; uiribus audes.

Cede deo toto proiectus corpore terra.

Nec plura hiis.

Reliquit eum tentator.

Ille admirans uenerabile donum

Fronte premit terram: & spumas agit ore cruento

Contentusq; fuga cecis se immiscuit umbris

.10.1.

Dominus elegit discipulos.

Interea magnas uolitans it fama per urbes
Conuenere uiri. mens omnibus una sequendi:
In quascunq; uelit pelago deducere terras.
Multi præterea quos fama obscura recondit
Circūstant fremitu denso: stipantq; frequentes.
Conueniunt: uitamq; uolūt pro laude pascisci.

Sermo domini in monte.

Postquā altos uentum in montes: æterna potestas
Iura dābat. legesq; uiris: opumq; labores
Edocet humanis quæ fiducia rebus
Admonet immiscens cari præcepta parentis.
Spemq; dedit dubiæ menti: curasq; resoluit.
Conspicit ecce alios dextra leuaq; frequētes:
Exultatq; animis: medium nam plurima turba
Hunc habet: atq; humeris extantē suspicit altis.
Quos ubi confertos audere in prælia uīdit:
Incipit: & dictis diuinum inspirat amorem.
Discite iusticiam moniti: & succurrere fessis
Pro se qsq; uiri: quæ cuiq; est copia leti:
Comunemq; uocate deum: meliora sequamur:
Quoq; uocat uertamus iter: uia prima salutis
Intemerata fides: & mens sibi conscia recti.
Vobis parta quies perfecto temporis orbe.
Nam qui diuitiis soli incubuere repertis:
Nec partem posuere suis: dum uita maneret:
Pulsatusue parens: & fraus innexa clienti
Tunc cum frigida mors anima subduxerit artus:

Inclusi poenam expectant: quæ maxima turba est
 In rerumq; tenebris: ueterumq; malorum
 Supplicia expendunt. aliis sub gurgite uasto
 Infectum eluitur scelus: aut exuritur igni.

Turbidus hic ceno uastaq; uoragine gurges
 Estuat: atq; omnem cocyto eructat arenam.

Hic exaudiri gemitus: & sæua sonare
 Verbera: tum stridor ferri strictæq; cathenæ:

Semper & obducta densantur nocte tenebræ.

Præterea quæ dicam animis aduertite uestris.

Non ego uos post hæc cælis de more iuuenis.

Religione patrum truncisq; & robore natas

Mortalisq; manu effigies & templa tueri

Audite: & repetens iterumq; iterumq; monebo:

Sed perisse semel satis est: matremq; patremq;

Profuerit meminisse magis: si credere dignū est.

Sed fugit interea: fugit irreparabile tempus:

Flamarumq; dies & nox inimica propinquat.

Signa uenturi iudicii.

Attonitis hesere animis. nec plura moratus.

Hic aliud maius miseris mortalibus ægris

Iudicium canit: tristes denunciat iras:

Venturum excidium: & uasta conuulsa ruina

Omnia: tunc pariter rutilo miscerier igne:

Pallentesq; polo stellas: coelisq; ruinam.

Tunc uero tremefacta nouus per pectora cunctis

Insinuat pauor: & taciti uentura uidebant.

De quodam iuvene consulente christū

D. II.

Hoc sup aduentu cum dicta horrenda moneret:
Ora puer prima signans intonsa iuuenta:
Diuēs opum: studiis florens ignobilis oci:
Quinq; greges illi balantum: quina redibant
Armenta: & dapibus mensas onerabat opimis:
Continuo palmas alacris utraq; tetendit:
Et genua amplectens sic ore affatus amico est.
O decus o famæ merito pars maxima nostræ:
Ad te confugio & supplex tua numina posco.
Omnia perfeci: atq; animo mecum ante peregi.
Eripe me hiis inuicte malis: qd deniq; restat:
Quidue etiam tantos possim sufferre labores?
Accipe daq; fidem: mihi iussa capeffere fas est.
Atq; huic responsum paucis ita reddidit heros.
O prestans animi iuuenis absiste precando.
Nec te poeniteat: nihil o tibi amice relictum est.
Hoc etiam hiis addam tua sit mihi certa uolūtas.
Disce puer contemnere opes: & te quoq; dignum
Finge deo: & quæ sit poteris cognoscere uirtus
Da dextram misero: & fratrem ne desere frater:
Si iungi hospicio properat coniunge uolentem:
Casta pudiciam seruet domus: en age segnes
Rumpe moras: rebusq; ueni non asper egenis.
Dixerat hæc: ille in uerbo uestigia torfit.
Tristior ora modis attollens pallida miris.

De discipulis in mari periclitantibus.
Inde ubi prima fides pelago tranquilla per alta

Deducunt focii naues: atq; arte magistra
 Huc alius funda latum transuerberat amnem
 Alta petens: pelagoq; alius trait humida lina.
 Postquã altum tenuere rates: nec amplius ullæ
 Occurrunt terræ: crebris micat ignibus æther:
 Hripiunt subito nubes coelumq; diemq;
 Confurgunt uenti: & fluctus ad sidera tollunt.
 At focii subita gelidus formidine sanguis
 Dirigit: cecidere animi: cunctiq; repente
 Pötum aspectabant flentes, uox omnibus una.
 Spemq; metumq; interdubii seu uiuere credant:
 Seu extrema pati leti discrimine paruo
 Qualia multa mari nautæ patiuntur in alto.

Christus ambulat super aquas.

Ecce deus magno misceri murmure pötum
 Emissamq; hyemem sensit: cui summa potestas.
 Par leuib; uentis & fulminis ocyor alis
 Prona petit maria: & pelago decurrit aperto.
 Nec longo distant cursu: pereunte carina
 Agnoscunt longe regem dextraq; potentem
 Nudati focii: & magno clamore salutant.
 Postquã altos tetigit fluctus & ad æquora uenit:
 Id uero horrendum uisu ac mirabile ferri
 Subsidunt undæ: remo ut luctamé abesset
 Colletasq; fugat nubes: graditurq; per æquor
 Tam medium: nec dum fluctus latera ardua tixit.
 At media socios incedens naue per ipsos
 Ipse gubernaclo rector subit: ipse magister:

D. llii.

Intremuit malus. gemit sub pondere cymba:
Vela cadunt: puppiq; pater confedit in alta:
Et tandem leti notæ aduertuntur arenæ.

Super asinam intrat hierusalem.

Tunc etiam tardi costas agitator aselli
Insedit: nymbo effulgens: cui plurima circum
Matres atq; uiri pueri uelamina nota
Subiciunt: funemq; manu contingere gaudent.
Tamq; propinquabant portis templumq; uetustū
Antiqua e cedro centum sublime columnis:
Ingreditur magna medius stipante caterua.
Horrendum siluis hoc illis curia templum:
Hæ sacre sedes: miro quod honore colebant.
Nanq; sub ingenti lustrat dum singula templo:
Horrescit uisu subito: insonuitq; flagello.
Significatq; manu: & magno simul intonat ore.
Quæ scelerum facies: quæ ue æra micantia cerno:
Cæsaris & nomen: quæ mentem insania mutat:
Hic uobis propriæ sedes: hic tempore certo
Perpetuis patres soliti considerare mensis.
Obstupere animi: gelidusq; per ima cucurrit
Ossa tremor: mensasq; metu liquere priores.

De cena domini.

Deuexo interea propior fit uesper olimpo
Tum uictu reuocant uires: fusiq; per herbam
Et dapibus onerant mensas: & pocula ponunt.
q; christus corpus suū & sāguinē dedit discipulis &c. f
Postquā prima quies epulis: mensaq; remota:

Ipse iterum primos genitori instaurat honores:

Suspiciens coelum. tum facta silentia linguis.

Dat manibus fruges: dulcesq; a fontibus undas:

Impleuitq; mero pateram: ritusq; sacrorum

Edocet: immisitq; preces: ac talia fatur

Audite o proceres ait: & spes discite certas:

Nemo ex hoc numero mihi nō donatus abibit:

Promissisq; patris uestraq; hec munera uobis

Carta manet pueri: & palma mouet ordine nemo.

De traditione & passione sua predicat.

Et lux cum primum terris se crastina reddet:

Vnus erit tantum in meq; exitiumq; meorum:

Dum paci medium se offert de corpore uestro.

Iamq; dies ni fallor adest. seducite curas:

Mecum erit iste labor: nec me sententia fallit:

Vnum pro multis dabitur caput: hęc ita fatus

Conticuit: seramq; dedit per membra q̄etem.

Iudei a pilato postulant christū crucifigi

Oceanum interea surgens aurora reliq̄t.

Iamq; sacerdotes late loca questibus implent

Cū populo & patribus. seritur p̄ agmina murmur.

Que genus hoc hominū: queue hęc tā barbara morē

Permittit patria: poenas cum sanguine poscunt

Vndiq; collecti: & magno clamore sequuntur

Insontem: s̄uitq; animis ignobile uulgius.

Sexta hora ducitur ad crucem.

Sol medium coeli conscenderat igneus orbem:

Cum subito omnes accincti populiq; patresq;

Exposcunt: fariq; iubent quo sanguine cretus:
Quidue petat: quidue ipse ferat: praeclara tuetes
Facta uiri mixtus dolor & stupor urget inertes.
Nescia mens hominum: certantq; illudere capto.
Tum uero captis concurrunt undiq; telis.
Tollitur in coelum clamor: cunctiq; repente
Insignem quercum decisis undiq; ramis
Constituunt: spirisq; ligant ingentibus illum:
Tendebantq; manus pedibus per mutua nexis:
Triste ministerium: sequitur quos caetera pubes.
Ausi omnes immane nefas: ausoq; potiti.
Ulle autem impavidus quo uincula neccitis inquit:
Tanta ne uos generis tenuit fiducia uestri:
Post mihi non simili poena commissa luetis.
Talia perestabat memorans fixusq; manebat.

Sol obscuratur & fit terremotus.

Interea magno misceri murmure coelum .
Incipit: & rebus nox abstulit atra colorem:
Impiaq; aeternam timuerunt saecula noctem.
Terra tremit. fugere ferae. & mortalia corda
Per gentes humilis strauit pauor. inde repente
Dat tellus gemitu: & coelum tonat omne fragore.

Inferni spoliantur.

Extemplo commotae herebi de sedibus imis
Umbrae ibant tenues tellus quoq; & aquora poti
Signa dabant. sistunt amnes. terraeq; dehiscunt.
Quin ipsae stupere domus: atq; intima loeti
Tartara: & umbrosa penitus patuere caeuerna.

Sol quoq; & exoriens cuncti se scire fatentur
Tunc caput obscura nitidum ferrugine tinxit.

De fuga apostolorum.

Diffugiunt comites: & nube teguntur opaca:
Multaq; dura suo tristi cum corde uolutant.
Quid faciant: hærent infixi pectore uultus:
Verbaq; nec placidam membris dat cura quiete.

Questio petri ad discipulos.

Tunc senior tales reddebat pectore uoces:
Multa mouens: ubi nunc nobis deus ille magister:
Quæ sequimur: quoue ire iubes: ubi ponere sedes:
O dolor atq; decus tantarum gloria rerum.
Iam iã mora nulla est: & nos rape in omnia tecum
Quamus: teq; aspectu ne subtrahere nostro.

De christi resurrectione.

Hos inter motus media inter talia uerba
Tertia lux gelidam coeli dimouerat umbram.
Iamq; pedem referens superas ueniebat ad auras:
Cum subito ante oculos ingenti mole sepulchrum
Corpus ubi exanimi positum: nec claustra nec ipsi
Custodes sufferre ualent: auulsaq; saxis
Saxa uident: laxis laterum compagibus artis
Fit sonitus ingens. concussa est pondere tellus.
Horror ubiq; animos simul ipsa silentia terrent:
Ecce autem primi uolucrum sub culmine cantus
Ingreditur linquens antrum: spoliisq; supbis
Ubat ouans: pulsusq; pecum tremit excita tellus.

Foribus clausis apparuit discipulis.

Veneraq; illa gerens foribus sese intulit altis.
Atq; hic ingentem comitum affluxisse nouorum
Inuenit admirans numerum cunctisq; repente
Improuisus ait: coram quem queritis adsum.
Vicit iter durum pietas: & uiuida uirtus.
Praecipites uigilate uiri. timor omnis abesto.
Hi nostri reditus expectatiq; triumphii.
Hec mea magna fides. o terq; quaterq; beati
Quæ uobis quæ digna uiri pro laudibus istis
Pramia posse rear solui: que dona parari:
Ancipitem reuocate animum: moestūq; timorem
Mittite: & uos met rebus seruate secundis.
Quod superest benegestis ordine rebus
Comédât pacē discipulis & dubitātib; ostēdit uul
Pacem orate manu: pacem laudate sedentes
Magnanimi: pacis solum inuiolabile pignus.
Et simul hiis dictis faciem ostēdebat & ora:
Ora manusq; ambas: penetrataq; pectora ferro.
Immiscēt manum manibus: gaudentq; tuentes.
Nec uidisse semel sat est: iuuat usq; morari:
Et conferre gradum: & dextra coniungere dextrā.

De ascensione domini

His demum exactis spirantes dimouet auras
Aera per tenerum: coeloq; inuectus aperto
Mortales uisus medio in sermone reliquit.
Infert se septus nebula mirabile dictu.
Atq; illum solio stellantis regia coeli
Accipit: ætereumq; tenet per sæcula nomen.

Ex illo celebratur honos. letiq; minores
 Seruauere diem tot iam labentibus annis.
I. decus. i. nostrum tantarum gloria rerum:
Et nos & tua dexter ad i pede secundo
 Annua: quæ differte nefas. celebrate fauentes.
Hunc socii motè sacrorum: hunc ipse teneto
O dulcis coniunx: & si pietate meremur
Hac casti maneant in religione nepotes.

FINIS

Salue festa dies toto uenetabilis æuo.
 Qua deus infernum uicit: & astra tenet
Tempora florigero rutilant distincta sereno:
Et maiore poli lumine porta patet.
Altius igniuomum solem cæli orbita ducit:
Qui uagus oceanas exit: & intrat aquas:
Armatus radiis elementa liquentia lustrans.
Hac in nocte breui tendit in otbe diem.
Splendida sincero producunt athera uultu:
Laticiamq; suam sideta clara probant.
Terra ferax uario fundit munuscula cultu:
Cum bene uernarit: reddit & annus opes.
Mollia, & pureumpingunt uiolaria campum.
Prata uirer herbis: & micat herba comis.
Paulatim subeuat stellantia lumina flotū:
Floribus arident gratina cuncta suis.
Semine deposito late seges exilit aruis;

Construētura fauos apīs hinc aluearia linquens
Floribus instrepitans poplite mella rapit.
Ad cātus reuocatur auis: quæ carmine clauso:
Pigrior hiberno frigore muta fuit.
Hic phylomena suis attēperat organa cannis.
Fitq; repercusso dulcior aura melo.
Ecce renascentis testatur gratia mundi:
Omnia cum domino dona redisse suo.
Nanq; triumphanti post tristia tartara christo
Vndiq; fronde nemus: gramina flore fauent.
Legibus inferni oppressis: super astra meantem
Laudant rite deum: lux: polus: arua: fretum.
Qui crucifixus erat: deus ecce per omnia regnat.
Dantq; creatori cuncta creata precem.
Mobilitas anni: mensum: lux alma dierum:
Horarum splendor: stridula cuncta fauent.
Hinc tibi silua comis: plaudit quoq; cāpus aristis.
Hinc grates tacito palmite uitis agit.
Hinc tibi nunc auium resonant uirgulta susurro.
Has inter nimio passer amore canit.
Christe salus rerum: bone conditor: atq; redeptor
Vnica progenies ex deitate patris:
Irrecitabiliter manans de corde parentis:
Verbam subsistens: & patris ora potens:
Aequalis: concors: socius cum patre conaueus:
Quo sumpsit mundus p̄ncipe principium:
Aethera suspendis: sola coggeris: a quora fundis:
Quæq; locis habitant: quæ moderata uiget: t:

- Q**ui genus humanum cernens miseris profu-
 Utq; hominē eriperes. es quoq; factus homo:
- N**ec nostro tantum uoluisti e corpore nasci:
 Sed caro: quæ nasci pertulit atq; mori.
- F**uneris exequias pateris nouus auctor & orbis.
 Intra mortis iter dando salutis opem.
- T**ristia cessarunt infernæ uincula legis.
Expauitq; chaos luminis ore premi:
- D**epereunt tenebræ christi fulgore fugatæ.
 Aeternæ noctis pallia crassa cadunt:
- S**ollicitam: sed redde fidem: precor alma potestas
Tertia lux rediit: surge sepulte meus.
- N**on decet ut uili tumolo tua membra tegantur.
Non precium mundi uilia saxa premant.
- I**ndignum est: cuius clauduntur cuncta pugillo:
Ut tegat inclusum rupe uetante lapis.
- L**inteā tolle precor: sudaria linque sepulchro:
Tu satis es nobis: & sine te nihil est.
- S**olue cathenatas inferni carceris umbras:
Et reuoca sursum quicquid ad ima ruit.
- R**edde tuam faciem: uideant ut sæcula lumen.
Redde diem: qui nos te moriente fugit.
- S**ed plane inuesti remeans pie uictor olimpi:
Tartara & Stygia iacent: nec sua iura tenent.
- I**nferus inaccessibiliter caua guttura pandens:
Qui raperet semper sic tua præda deus
- C**hæris innumerum populum de carcere mortis.
Et sequitur liber quous auctor abis.

Comit absorptam pauide fera belua plebem.
Et de fauce lupi subtrahit agnus oves.
Hinc tumulū repetens post tartara carne relūpta.
Belliger ad caelos ampla trophea refers.
Quos habuit penale chaos: iam reddidit iste:
Et quos mors peteret: hos noua uita tenet:
Rex sacer ecce tui radiat pars magna trophæi.
Cum puras animas sacra lauacra beant.
Candidus egreditur nitidis exercitus undis.
Atq; uetus uicium purgat in amne nouo.
Fulgentes animas uestis quoq; candida signat.
Et grege de niueo gaudia pastor habet.
Additur hac foelix concors mercede sacerdos:
Qui dare uult domino dupla talenta suo:
Ad meliora trahens gentili errore uagantes:
Bestia ne reparet munit ouile dei.

misit ipse misit not pudy

*strumitue suon uirum
tali carolur diden e iouus
stram uirum uirum*

*uiri ut
uiri ut*

uiri ut

... in omni ...

... 124

... 11.

...

... 148

INC
148

